

銅仁府志

北36058

135

部2=1~8

銅仁府志

貴州省圖書館复制

銅仁府志复制說明

「銅仁府志」十一卷，補遺一卷，清道光四年知府敬文等修，徐如澍纂，於同年由王味蓮寫刻付梓，板框高二十三公分，寬十六公分。

复制本係以本館所藏刻本為主，其缺卷、缺頁及模糊不清之字，則據中國科學院南京地理研究所圖書館及南京圖書館所藏刻本補入，並據清實錄、乾隆貴州通志和民國縮印光緒「銅仁府志」校改了部分錯字和補入了些漏字。

銅仁府志

詳見書末附錄校勘記。

原書卷四積貯、卷六武職、兩部分，有目無文，已予刪去。又郵傳原列入卷六，已據正文內容移入卷二關梁之下。並此說明。

承中國科學院南京地理研究所、南京圖書館熱情支持，謹此致謝。

貴州省圖書館

一九六五年六月

銅仁府志序

西南隅之入中國版圖黔最後計設府十二直隸
同知三直隸知州一知州十三知縣三十四民夷
雜處爭鬪相尋自前明以來為用武地文獻之徵
僅有全省通志一書各郡各邑志乘多缺如使者
念之歎然也國仁己未會試出銅仁徐雨芹師門
下師適以

予告家居而糜朗峯方伯又與吾師為兒女親因以銅
仁志為請師謂年力就衰恐不能善其事嗣得長

銅仁府志

序

白敬廉階攝銅仁郡篆國仁與朗峯各附書導致
前意廉階又亟商於前任太守陳春宇春宇亦以
此事為不可緩因具關公請吾師纂輯之其載在
案冊飭吏詳查者為廉階分勞而勦辦者為滇南
鄭藹林始其事於癸未十二月至甲申三月書成
廉階馳寄全稿公餘讀之至再三體例賅詞意雅
其採輯無漏脫也其援引無支蔓也銅仁自設郡
至今幾五百年所矣其人與事有可傳於後世者
半銷蝕於文獻之無徵今得是書沿流溯源亦明

亦備卷帙雖無多夫亦可以無憾矣廉階丐予一言首其篇廉階去接署郡事為通州劉向齋向齋亦吾師任少京兆府試所得士向齋知有是舉欣然任之又貴陽王孝廉味蓮客銅仁味蓮亦吾師之弟子工於書一手繕寫成編向齋付之剞劂兩閱月鐫工告竣向齋又兩次書來亦欲予為之序伏念此編為雨芹師之筆而諸君子樂成其美者國仁所謂游夏莫能讚一詞敢言序乎哉敢言序乎哉憶去年初至貴州於地方情形多有未晰請

銅仁府志

序

二

質雨芹師來書有欲與為福於無窮只是相安於無事云國仁謹銘之座右又擬延主貴山書院辭弗就每念之方恨負笈之無緣今得是編時一檢閱如親侍臯比焉欣幸為何如耶敬書數言用誌是書所由成以昭

國家久道化成之治而貴州各郡邑聞風興起者當不讓茲事之獨美於銅仁也

撫黔使者中州程國仁撰

銅仁府志序

黔於古為牂牁荒服相仍必使之歸版圖置郡縣者誠以無黔則粵蜀之臂可把而滇楚之吭可扼王公設險以守其國險之時義大矣哉銅仁處萬山之中為省治極東北毗連五寨四十八溪而松桃一營昔隸銅仁者俗名三不管實綰楚蜀之樞是則黔於他省為險而銅仁又黔之尤險也周禮土訓掌道地圖以詔地事道地隱以辨地物疆理攸分志乘斯作銅仁僻處一隅記載缺如前此有

銅仁府志

序

三

志作於鼎革之初遺漏滋多體例未備考永樂十一年始設貴州布政使領思南思州銅仁等八府暨宣德中省烏羅入銅仁土宇版章居然從邾莒之後我

國家聲教遠被奮武揆文自康熙之四十二年一平紅苗而設同知駐正大營雍正九年再平苗以正大營同知移駐松桃乾隆六十年又平苗而改松桃為直隸廳迄於今相維相繫偶俱無猜民無刼掠之虞苗無誅求之苦含醇詠德咸與維新蓋

化澤之涵濡久矣夫田賦租庸疆域形勝實與治道相
權衡東南膏沃之區商賈輻輳山林墳澤園廛關
市之所出

太府藉以充盈至如銅仁蕞爾遐陬地鮮平原民無
積粟馭之得其道則民治而苗亦治黔之民苗治
而楚亦治馭之不得其道則蠢爾煽動負固跳梁
竭東南數十百州縣之財不足以供軍儲之費反
是而思而知不可不求所以治之也余備位黔藩
二載思欲修黔志而未遑也徐雨茂通政與余為

銅仁府志

序

四

至戚時致仕在籍纂修銅仁府志既成有司屬余
為之序凡十二卷八志六十門發潛闡幽拾遺補
缺視前志之寥寥卷帙者頓覺改觀撫斯土者考
建置之沿革辨物土之異宜覽風俗之醇良識苗
夷之控制實足以增光史乘而裨益臨民既服其
蒐討之勤且愧余之有志而未逮也或曰銅仁者
以長官司署有銅人三因以為名人者仁也漸仁
之化於是乎存是為序

藩黔使者秀山糜奇瑜撰

銅仁府志序

甚矣哉時之難乘也天以時而成歲人以時而成
務文章志述亦必以時而成書銅仁郡自改土歸
流而後涵沐

聖化累百餘年山川闢朗人物淳龐中間節孝忠義
比比有人迺僅舊志二本漶漫莫考前此守土者
多以公務倥傯未遑議及迨劉仙圃沈叢山諸郡
守究心典故有意纂修值苗匪跳梁軍需旁午後
之繼者屢亦經營輒厄他事旋復中止數十年來
文章事蹟又幾泯滅於日來月往之中甚矣哉時
之難乘也癸未冬余守是邦

銅仁府志

序

五

徐春帆先生賦閒里居余下車伊始即與前郡守
陳春宇相商念郡不可以無志亟聘

先生修纂時年歲告豐公庭訟簡余為諮訪舊遺
檢查陳牘歸之

先生因殫精研慮纂述前聞闡潛德之幽光攬全
郡之形要次為天文地理營建食貨秩官武備人
物藝文八門共成書十一卷條分縷晰朗若列眉

續有搜葺系以補遺銅仁專乘始稱大備

先生之志成矣

先生之功偉矣然而蓄志於數十年之久告成於三四月之速匠心獨運勦校者僅藹林鄭君一人其用心豈不良苦矣哉迺甫議開雕余適解組劉向齋郡伯繼來權篆樂成其事捐俸集工適幕中味蓮王君工楷書手錄全部付梓從此郡之山川人物有以垂不朽於將來謂非時之可乘其何能如斯之速且備也

銅仁府志

序

六

先生屬序於余鄙拙不文謬製承命他日裝完賜寄俾觀其成幸甚幸甚

清道光四年歲在甲申秋九月前署貴州銅仁府事
原任石阡府知府長白敬文序



銅仁府志

凡例

一前志作於康熙初年鼎革之際事多未詳是以卷帙寥寥嘉慶六七年間劉公雁題雅有志於郡志因黔楚苗變身親其事增師旅考旋即調任知興義府事事中已今即舊志續之在一百數十年後中間不可考者已多惟有廣為搜羅以俟後之君子參互考訂焉

一是編新續者多得自傳鈔之本有一事而數處見之

銅仁府志

凡例

一

文或大同小異想亦當時錄寫各有脫訛也今擇其通順可解者從之

一志中有一人一事而載筆者或出兩手非獨文不同即所叙情節亦或歧出善善欲長姑兩存之

一舊志如閻公興邦請廣中額疏陽明先生示龍場諸生教諭明太守箴先農說陸公粲邊軍擔夫謠諸篇當入省志是以去之

一舊志祥異入禠記今改入天文門紀事入營建今改入藝文門亦以類相從之義也

一新增各條或見之碑碣或得自傳鈔漫漶脫訛甚至不可卒讀皆依原底纂錄疑者闕之

一孝子義民及節烈婦女多有未經呈報者民間不諳義例且惜小費以致遺漏沉埋良可慨歎茲採訪編輯歸人物門僻壤窮鄉湮泯不彰者正復不少振幽發潛尚有望於後之同志者

一松桃及平烏二司原隸銅仁府其未經改撥之前所有人物事實應仍載入郡志至改撥後志不載

一藝文門如送某官之任某處及某人捐修某處見之

銅仁府志

凡例

二

碑碣悉存之以紀其人其事亦不敢没人善之意並非論文也覽者諒之

銅仁府志目錄

卷之一 天文

星野 氣候 祥異

卷之二 地理

輿圖 建置 疆域 形勝 山川

關梁 郵傳 風俗 苗蠻 古蹟

卷之三 營建

城池 公所 壇廟 寺觀祠宇 臺榭

卷之四 食貨

銅仁府志

目錄

一

戶口 田賦 課程 經費 蠲卹

積貯 土產

卷之五 秩官

官制 職官 名宦 土司

卷之六 武備

兵制 武職 師旅考

卷之七 人物

選舉 鄉賢 忠烈 孝義 節烈

隱逸 流寓 仙釋

卷之八 藝文

諭 疏 傳

卷之九 藝文

碑記 記

卷之十 藝文

序 銘 引 辯 議

書 文 書後 誄 墓表

墓銘 紀畧 紀事 賦

卷之十一 藝文

銅仁府志

目錄

二

詩

卷之十二

補遺

銅仁府志卷之一

天文

黔古之西南徼開闢最後地近荆梁星分翼軫前賢言之確確我
餘銅為下游分野在翼軫前賢言之確確我

國家

聖

聖相承卑法崇效

闡澤敷而

重熙洽雖在海隅咸歸


銅仁府志

卷之一

天文

一

覆冒銅仁在黔亦風化日新氛祲潛消嘉祥疊見矣郡
志天文曰星野曰氣候曰祥異



銅仁府志卷之一

天文

星野

銅仁府志

卷之一


星野


二

銅仁翼軫分野之圖

翼二十二星十九度四十一分位次已近
太微垣翼明則禮樂興四夷賓服

星經曰二十二翼如飛勢上五下五中元氣
天子樂府主聲名東甌五黑翼下是





軫四星十八度位同翼明則天下昌四海昇平
星經曰軫宿四星中長沙左轄右轄分上下
軍旁三十二器府土司空對青邱子

銅仁府志

卷之一

星野

三

一統志曰宣慰司參井分野普安州井鬼分野銅仁府
星分野黎平府翼軫之餘

謝東山志曰宣慰司

今貴州衛前衛今貴州龍里新添

今貴州平越清平興隆

平州黃威清鎮今清平壩平縣普定安

莊今鎮寧州

安南普安畢節烏撒

今威寧州赤水等十六衛俱參

井都勻府程番府

今定永寧安順鎮寧普安四州俱參

井之餘思州思南鎮遠石阡銅仁黎平六府俱翼軫之
餘

沈思克通志曰鎮遠銅仁思州黎平四府俱柳星之餘

衛既齊志謂黔為參井翼軫分野貴陽安順都勻平越威寧參井之餘鎮遠石阡思南思州銅仁黎平翼軫之餘柳星分野為無據則銅鎮四郡自應與楚同占軫翼而不入柳分也

翼宿二十二星天之樂府主俳倡戲樂又主夷狄遠客負海之賓至星明大禮樂興四國賓凡十八度距中行西第二星去極百四度○東甌五星在翼之南蠻夷星也

軫宿四星主冢宰輔臣主車騎主載任有軍出入皆占

銅仁府志

卷之一

星野

四

於軫又主風軫星明則車駕備凡十八度去極一百度○轄二星傅軫上下兩傍王侯左轄為王者同姓右轄為異姓○長沙一星在軫宿中主壽命明則主壽長子孫昌○青邱七星在軫東南蠻夷之國號也○軍門二星在青邱西一曰土司空此天子六宮之門主營候豹尾威旗○器府三十二星在軫宿南樂器之府也明則八音和君臣平○土司空四星在青邱西主界域亦曰司徒均明則天下豐

以上占驗出隋天文志